

# 中國大事記



民國六年九月十八日

●湖南零陵鎮守使劉建藩通電宣告自主……劉建藩前由兼署督軍譚延闓。委任暫署零陵鎮守使。經新任督軍傅良佐撤任。本日。劉與湖南第一師第二旅旅長林修梅暨零陵各區司令等。通電中央及各省。宣告自主。脫離現政府關係。與海軍兩廣雲南各省一致。當由督軍傅良佐派第二師第三旅旅長李右文率兵進攻。

同 二十一日

●山東水災……山東利津縣黃河大堤。本日因河水漫溢沖決。淹沒四十餘村。災害甚重。

同 二十二日

35095  
●幫辦黑龍江軍務許蘭洲離黑……許蘭洲於六月間自就督軍之職。經旅長英順巴英額等反對。勢將決裂。旋經中央改任鮑貴卿爲黑龍江督軍兼署省長。率兵赴任。許蘭洲遂於本日退出黑省。前赴奉天。

同 二十四日

●近畿一帶水災……北方自夏秋以來。霖雨連綿。八月間。京兆因永定河及各縣河流漫決。釀成巨災。近日南運河又決口三處。天津保定低窪各處。盡成澤國。被災至數十州縣之廣。津浦鐵路北段衝毀。火車停止開行。北行車僅至山東德州爲止。

●財政部呈前督辦全國菸酒事務鈕傳善違法令交法庭辦理……全國菸酒事務署。經財政部呈准裁撤歸部設局辦理後。當簡任胡汝麟爲該局總辦。於接收該署時。查出前督辦鈕傳善。於支付菸酒銀行股本四十三萬元一項。有撥助公款、冒充商股、並捏列股東、捏選重要職員等違法處分。又於支付建設第一菸廠經費五十七萬元一項。有與洋商訂立合同喪失權利、及派員購地舞弊等情事。均涉及刑事範圍。除由財政部將准予菸酒銀行立案及撥款補助之案分別撤銷。並責該行原領款人李盛鐸張肇達等將公款呈繳外。呈請明令依法懲處。本日奉令鈕傳善着交法庭依法辦理。

35096

同 二十六日

●任命吳金彪幫辦江西軍務

●吉林富錦縣被匪攻陷……吉林大股匪徒。於本日攻入富錦縣。肆行焚殺。知事被虜。至二十八日出城南竄。

同 二十九日

●令內務部籌備國會選舉事宜……令曰。依約法第五十三條。

本有召集國會之規定。此次國體再奠。所有約法上機關。亟應完全設立。著內務部按照民國元年籌備國會事務局辦理事宜。迅速籌辦。預備選舉。此令。

●令各省長官選派參議員到京組織參議院……令曰。國會組織法暨兩院議員選舉法。民國元年。係經參議院議決。咨由袁前大總統公布。歷年以來。累經政變。多因立法未善所致。現在亟應脩改。著各行省蒙藏青海各長官。仍依法選派參議員。於一箇月內到京。組織參議院。將所有應行脩改之組織選舉各法。開會議決。此外職權。應俟正式國會成立後。按法執行。以示尊重立法機關之至意。此令。

中略

●特派熊希齡督辦京畿一帶水災河工善後事宜

●福建風災令撥賑賑濟……令曰。據兼署福建省長李厚基電陳。本月十二日。廈門金門等處。暴風為害。沉沒船隻。損壞房屋。死傷人口。為近年未有之巨災。請撥款賑濟等語。披覽之餘。殊深憫惻。著財政部迅撥銀一萬元。發交該兼省長遴員分赴災區。核實散放。毋任失所。此令。

●陸軍部呈准添設口北鎮守使缺……直隸宣化地方。為口北要隘。直隸督軍特咨請陸軍部添設口北鎮守使一缺。由部呈奉大總統照准。

●交通銀行訂借日款……北京交通銀行向日本台灣朝鮮興業三銀行訂借日金二千萬圓。本日簽字。其條件大略如下。(一)金額。日金二千萬元。(二)期限。三年。(三)利息。按年七釐半。(四)折扣。無。(五)擔保。中國國庫證券一千五百萬元。(六)用途。整理交通銀行業務。(七)中國政府保證償還本利。又在借款期限內向他國借款時。須先與三銀行商議。此外並定由交通銀行聘請台灣朝鮮興業三銀行所推薦之一人為顧問。

同 三十日

●令發賑賑近畿一帶水災……令曰。直隸督軍兼省長曹錕電稱。本年夏秋以來。雷雨連綿。近畿一帶。河流日漲。正飭設法防堵。據報南運河決口三處。水勢猛烈。防禦宣洩。勢均不及。以至浸灌津埠。瞬成澤國。難民數十餘萬。流離蕩析。棲食無所。日來水勢仍有增無減。災情奇重。亟應妥籌安插等語。披覽之餘。殊深憫惻。著財政部先發帑銀三十萬圓。交督辦水災河工善後事宜熊希齡。會同該省長遴派廉正官紳。分赴災區。趕辦急賑。並迅籌疏洩辦法。不敷之款。并由該部陸續籌濟。所有工賑各事。均責成該督辦悉心經畫。妥速辦理。務使水有所歸。人民安處。以濟沈災而奠民生。此令。

●調任熊克武爲川邊鎮守使……般承璣呈准免職。

●東三省蒙匪肅清……蒙匪佔據海拉爾。竄擾東三省邊境一帶。爲日已久。日前又有多匪向東清鐵道附屬地肆擾。經三省軍隊會同俄軍協力攻擊。當將蒙匪擊敗。海拉爾城亦即克復。匪勢漸衰。

十月 三日

●津浦鐵路渡江輪船沈沒……津浦鐵路在浦口站至隔江下關間。向備有輪船。爲火車搭客渡江之用。本日。該船(船名飛虹)與兵艦相撞沈沒。

同 四日

●山西水災令撥賑振濟……令曰。山西督軍兼署省長閻錫山電呈。晉省入秋以後。河流陡漲。漫溢成災。太原榆次祁縣文水

孝義汾陽靈輅崞縣夏縣等九屬。村落被水沖決。淹沒人口田禾甚衆。請撥款振濟等語。披覽之餘。殊堪憫念。著財政部迅即撥銀一萬圓。交該省長核實散放。以惠災黎。此令。

●派籍忠寅爲籌備國會事務局委員長

同 六日

●令各省通緝藍天蔚等……令曰。奉天督軍張作霖電稱。藍天蔚勾結劉景雙顧鴻賓馬海龍金鼎臣等。分帶多金。

聯合胡匪。分塗擾亂。所過地方。均遭焚掠。當經派隊分剿。迭於西北沿邊一帶。暨錦縣鎮安綏中義縣海城台安等處。擒斬甚多。藍天蔚等。均經先後逃逸。請將藍天蔚褫奪原官。并通飭緝拿等語。勳四位達威將軍上將銜陸軍中將藍天蔚。應即褫奪原官勳位。並著各省督軍省長。飭屬將藍天蔚等。一體嚴密緝拿。務獲懲治。以肅軍紀而伸國法。此令。

●湘南發生戰事……零陵鎮守使劉建藩通電宣告自主與滇粵一致後。經省中派旅長李右文率師進攻。李軍既至衡山。全部投入零陵。與劉林軍隊聯合。當由省改派北軍第八師師長王汝賢第二十師師長范國璋及湘軍第二師師長陳復初率師前進。本日北軍旅長王汝勤朱澤黃。在衡山永豐方面。與零陵軍隊接戰。零陵軍敗挫。

同 七日

●孫中山反對現政府之表示……孫中山以大元帥名義。在廣東發布

35098 命令。敘述現政府另組新國會及重開參議院之悖謬。並以段祺瑞倪嗣冲梁啟超湯化龍朱深等爲背叛民國。令其部下進攻。

同 八日

●魯匪毛思忠就撫……山東悍匪毛思忠。聚衆騷擾。自七月以來。迭次攻陷縣城。勢頗猖獗。近在豐縣等處。屢被官軍擊敗。兼因單曹一帶水災。匪巢盡被淹沒。勢甚窮蹙。率黨向四省剿匪督辦張敬堯投誠。經張允許。現已設法遣散。並籌備善後事宜。

●福建發生中日交涉……福州日本菸草商人。因漏稅被稅吏拘獲。送交交涉公署。正擬移送駐閩日本領事。日領事向交涉署抗議。要求將該商釋放。

同 九日

●令周肇祥暫行兼署湖南省長……譚延闓給假。

同 十日

●國慶日舉行大閱典禮……本日爲國慶日。大總統親詣南苑。舉行閱兵大典。其餘應行慶賀筵宴典禮。因近畿及各省偏災。先期奉令停止。

●全國教育會聯合會在浙江開會

●濟南火藥庫爆發……山東濟南辛莊琵琶山十里營陸軍第五師火藥庫。突然轟炸。毀屋數間。幸未傷人。

同 十二日

●中日改訂吉長路約簽字……我國吉林至長春鐵路。清季與日本訂約合辦。向日本南滿鐵道會社借日金二百十五萬圓。至去年二月間。經交通部與南滿鐵道會社代表交涉。改訂條約。將次簽約時。因被國會反對。重議修正。本年七月間。駐京日使向交通部催促簽約。復經交通部派員與南滿鐵道會社代表屢次交涉。現已將正約及細目條項議結。於本日在交通部簽字。其改訂約文大略如下。(一)借款金額。日金六百五十萬元。(照舊約已付二百十五萬外。現交四百三十五萬元)年利。五釐。實收九十一元半。(一)償期。四十年改爲三十年。(一)以本路財產及收入。擔保借款。本路不支付政府又不能籌還時。應將本路一切產業。交南滿會社管理。(一)政府置局長。監督業務。在借款期內。委託南滿會社代爲指揮經理。俟清償後交還。(一)選任日人三名。充工務運輸會計之主任。就中選一人爲代表。執行南滿會社權利義務。(一)主任以外職員。由局長及南滿會社代表協定。(一)本路淨利以二成分配於南滿會社。(一)運費及進款。用中國貨幣。存於日本銀行。(一)本路機件材料。儘先購用中國品。(一)警察行政司法課稅權屬於中國。(一)中政府將來如因延長本路或添設支線資本不足時。須儘先照會南滿會社商量借款。

同 十三日

●外交部呈准英屬紐絲綸仍設領事官……英屬紐絲綸地方。吾

國向設有領事官。上年外交部以該處華僑無多。事務頗簡。呈准將領事一缺裁撤。仍設置名譽領事。現因自裁撤領事後。名譽領事以地位不同。對外諸多困難。由部呈請復設領事。將所設名譽領事裁撤。本日奉令照准。

同 十四日

●川滇軍隊又起衝突……川滇軍隊自七月間在成都激戰後。迭經中央明令查辦。旋各停戰。本日。四川督軍周道剛。又通電宣告與滇軍決裂。川軍第二師。即在榮縣與滇軍開戰。川省第二混成旅旅長劉雲峯軍隊。亦與第十四混成旅旅長顧品珍軍隊。在資州方面激戰。內江爲滇軍所佔。

同 十五日

●教育部召集全國實業學校校長會議……教育部爲促進實業教育起見。特召集全國實業學校校長會議。於本日在京開會。  
●財政部向外國銀行訂借天津水災善後借款……財政部爲辦理天津水災善後事宜。向四國銀行團及花旗麥加利華比等銀行借銀七十萬兩。年息七釐。期限一年。以鹽稅餘款作抵。

同 十六日

●公布籌備國會事務局條例……條例見法令門。

●令陳遐齡護理川邊鎮守使

●內務部咨請各省創辦警察儲金……內務部前召集警務會議。曾議決創辦警察儲金一案。議定在職警察官吏月給在十元以上

者。以月給二十分之一。存儲於各該管區內國家銀行。或已辦郵便儲金之郵務局。月給在十元以下者。自由儲蓄。本日。由部將警察儲金試辦方法。咨行各省暨各特別區域長官。轉飭警察機關。自七年一月起一律試辦。

同 十七日

●令滇軍退出川境……令曰。前因四川主客各軍。屢生戰禍。糜爛地方。當經令飭在川軍隊。均由周道剛統轄。申明約束。不得再滋事端。其現調赴川軍隊。並應即行撤退。乃在川滇軍。迄未遵令退出。嗣據周道剛疊電陳明。與羅佩金議定結束辦法。中央爲息事寧人起見。無不委曲求全。乃連日周道剛電呈。黃毓成等率其所部。竟敢在內江永福寺白馬店等處。猛向川軍攻擊。佔據內江等情。閱之殊堪詫異。查中央並無調黃毓成率隊入川之令。何以擅自越境稱兵。擾害鄰省。似此專橫搆亂。法紀何存。著雲南督軍唐繼堯。一面查明呈復。一面電令黃毓成等嚴束軍隊。即日退出川境。倘再抗違。中央有保持國家統一人民治安之責任。決不聽其殘民以逞也。此令。

同 十八日

●公布司法官考試令……令見法令門。

●公布律師考試令……令見法令門。

●特任孟恩遠爲誠威將軍

●特任田中玉爲吉林督軍

35100

●任命張敬堯爲察哈爾都統


●改編混成模範團爲陸軍第五混成旅……陸軍混成模範團。第二期練習期滿。由陸軍部呈請改編爲混成一旅。定名陸軍第五混成旅。並請任命該團團長魏宗瀚爲旅長。本日奉令照准。

同 十九日

●任命陳復初爲陸軍第十七師師長……湖南陸軍第二師改編。爲陸軍第十七師。仍以原任師長陳復初爲第十七師師長。

同 二十日

●令撥銀賑陝西水災……令曰。陝西督軍兼省長陳樹藩電稱。陝省入秋以來。蒲城十餘屬。霖雨成災。山水暴發。河流橫決。浸沒田房。淹斃人口。蒲城富平寶雞鳳翔四縣。災情尤重。請予撥款賑濟等語。披覽之餘。殊堪憫惻。著財政部迅即撥銀一萬圓。發交該省長核實散放。以惠災黎。此令。



新編攝影術

杜就田編 一冊 五角

全書分三編。(一)技術。詳論各種用法。淺顯學理。及選擇器械。配置藥品等。(二)光源。追述攝影術之由來。及器械藥品之進步。(三)藥品之功用。舉攝影術應用之藥品。詳其性質。附以西名。以便參考。讀者依書試演。不賴師友。自能得其祕奧。

商務印書館發行